


五代會要

十一二




漢書門	
二四	二八
一四	一八
一六	一八
冊	架
函	號
類	

保
藏書
記
家
煙
雲
共十六卷

內閣文庫	
二四	二八
一四	一八
一六	一八
冊	架
函	號
類	

內閣文庫	
番號	漢 2428
冊數	16 (7)
函號	294 26





五代會要卷十二

宋 王

溥 撰

五星凌犯

梁乾化二年五月壬戌夜熒惑犯心大星去心四度

順行

司天奏大星為帝王之星宜乎修德以答天譴其年六月五日太祖崩

正明四年十二月癸亥鎮星犯文昌上將

唐天祐十五年也是

月與唐兵大戰於胡椒坡唐幽州節度使周德威歿于陣

後唐同光三年九月己亥熒惑在江東犯第一星

是年

天下大水



長興四年八月己未夜五鼓三籌熒惑近天高星歲

星近太白近軒轅大星

是年十一月二十六日明宗崩

清泰三年五月丙申夜熒惑歲星相犯于軒轅又犯

大星

其年降制除晉高祖為鄆州節度使晉祖不受詔

晉開運元年十月壬戌夜熒惑犯哭星

司天監趙延義奏元枵鬼

方陰之所治司命哭位生乎熒火猛而代其徵也急齊地將有覆破象多伏法而死者其年十二月青州叛帥楊光遠子承勛斬其同謀逆人邛濤等以城降光遠尋亦被誅

漢乾祐二年十一月辛亥夜鎮星始出太微之左掖

門自戊申歲八月己丑鎮星入太微垣犯上將左右

執法內屏謁者勾已往來凡四百四十三日方出左

掖

周顯德六年六月十八日熒惑與心大星合度光芒

相射

其月十九日世宗崩先熒惑勾已于房心間凡數月至上臨崩之前一夕與心大星合度是夜

順行

天成三年九月庚辰鎮星歲星合于箕辛巳太白熒

惑合於軫

晉天福三年四月癸巳夜五鼓三點後太白與鎮星

合太白在鎮星北一寸光芒相接鎮星在婁宿二度

順行黃道內一度太白在婁宿二度順行黃道內一

度宿度在徐魯之分
日辰在荆楚之分

星聚

後唐同光二年八月甲申歲星熒惑合在翼十四度

漢天福十二年六月鎮星太白熒惑歲星聚于張宿占

云有帝王興于周者漢高祖起義兵自平陽趨洛以應之及隱帝將嗣位又封周王暨周太祖登位以姬姓之後復繼宗周天人之符乃有所屬

流星

梁乾化元年十一月甲辰夜東方有流星如數升器

自畢宿口曳光三丈餘有聲如雷

後唐同光三年六月庚寅夜一鼓西南有流星約七

十餘皆有尾迹西南流其年九月正簡皇太后崩

長興二年九月丙戌夜二鼓初東北方有小星流入


北斗魁滅至五鼓初西北方次北有流星狀如半升

器初小後大速流入魁滅尾迹疑天屈曲如雲而散

光明燭地又東北有流星如大桃出下台星向西北

速流至斗柄第三星旁滅五鼓後至明中天及四方

有小流星百餘流注交橫



清泰元年九月辛丑夜五鼓初有大星如五斗器西南流尾迹長數丈色赤移時盤屈如龍形蹙縮如二鐺相鬪而散又一星稍小東流有尾迹凝成白氣食頃方散
晉天福三年三月壬申夜四鼓後東方有大流星狀如三升器其色白尾迹長二尺餘屈曲流出河鼓星東三尺東流丈餘滅
周顯德三年正月癸亥五鼓後有大星出南斗僚東北流丈餘滅

山摧

後唐長興三年七月夔州奏赤甲山崩

水溢

梁開平四年青宋冀亳水詔令本州以省倉粟麥等賑貸

後唐同光二年十二月中書門下奏今年秋天下州府例有水災百姓所納秋稅請特放加耗從之

三年六月至九月大雨江河決壞民田七月洛水泛漲壞天津橋漂遞河廬舍艤舟爲渡覆沒者日有之

鄴都奏御河漲於石灰窰口開故河道以分水勢鞏
縣河決沖注倉廩八月敕 聞天津橋未過往來百
官以舟船濟渡因茲傾覆兼踏泥塗自今文武百官
可三日一趨朝宰臣卽每日中書視事

四年正月敕自京以東幅員千里水潦爲沴流汴漸
多宜自今月三日後避正殿減膳徹樂省費以答天
譴應去年經水決處鄉村有不逮及逃移人戶差科
夏秋兩稅及諸折料委逐處長吏切加檢點並與放
免仍一年內不得雜差遣應在京及諸縣府停住斛

斗並令減價出糶以濟公私如在遵行仰具奏聞

長興三年七月諸州大水宋亳穎尤甚宰臣奏曰今
秋來州 界水災最甚人戶流亡粟價暴貴臣等商
量請於本州出斛斗依時估出糶以救貧民兼大水
之後頗少宿麥窮民不辦種子亦望本州據人戶等
第支借麥種自十石至三石候來年收麥據原數却
合送納從之

清泰元年九月連雨害稼詔曰久雨不止禮有所禳
禳都城門三日不止仍祈山川告宗廟社稷宜令太

五代會要 卷二十一
子賓客李延範等禁諸城門太常卿李懌等告宗廟社稷

晉天福四年七月西京大水伊洛灑澗皆溢壞天津橋八月河決博平甘陵大水

六年九月河決于滑邢一溉東流居平登邱家爲水所隔詔所在發舟船以救之襄州濮州界皆爲水所漂溺命鴻臚少卿魏玘將作少監霍挺讓右領衛將軍安璿右統衛將軍田峻于滑濮澶鄆四州檢河水所害稼并撫問遭水百姓兗州又奏河水東流澗七

十里水勢南流入沓河及揚州河至七年三月命宋州節度使安彥威率丁夫塞之河平建碑立廟于河決之所七年四月詔曰近年已來大河頻決漂蕩戶口妨廢農桑言念蒸民用茲凋弊凡居牧守皆委山河旣在封圻所宜專切今後宜令沿河廣晉府開封府尹逐處觀察防禦使刺史等並兼河堤使名額任便差選職員分劈勾當有堤堰怯薄水勢冲注處預先計整不得臨時失於防護

開運元年六月黃河洛河泛溢壞堤堰鄆州原武滎

澤縣界河決

周廣順二年七月暴風雨京師水深二尺壞墻屋不可勝計諸州皆奏大雨所在河渠泛害稼

三年六月諸州大水襄州漢江泛溢壞羊馬城大城內水深一丈五尺倉庫漂盡居人溺者甚衆

火

後唐天成四年十一月汝州火燒羽林軍營五百餘

間先是司天奏熒惑入羽林請京師備火至是應之

長興三年四月汴州封禪寺門上忽有火起延燒近

寺廬舍相次黎福縣亦火

三年十二月懷州軍營內三處火光自起人至即滅不焚廬舍

晉天福三年十一月襄州奏火焚居民千餘家

周顯德五年四月吳越王錢俶奏十日夜杭州火焚燒府署殆盡上命中使賚詔恤問

蝗

梁開平元年六月許陳汝蔡穎五州蝻生有野禽羣飛蔽空食之皆盡

後唐同光三年九月鎮州奏飛蝗害稼

晉天福七年四月山東河南關西諸郡蝗害稼至八

年四月天下諸道州飛蝗害稼食草木葉皆盡詔州

縣長吏捕蝗華州節度使楊彥珣雍州節度使趙榮

命百姓捕蝗一斗以椽粟二斗賞之

時蝗旱相繼人
民流遷饑者盈

路關西餓莩尤甚死者十有七八朝廷以軍食
不充分命使臣諸道括借粟麥晉氏自此季矣

漢乾祐元年七月青鄆襄齊濮沂密邢曹皆言蠧生

開封府奏陽武雍邱襄邑等縣蝗開封尹侯益遣人

以酒肴致祭尋為鸚鵡食之皆盡

勅禁羅弋鸚鵡以
其有吞蝗之異也

二年五月博州奏有蠧生化為蝶飛去宋州奏蝗一

夕抱草而死差官祭之復命尚書吏部侍郎段希堯

祭東岳太府卿劉皞祭中嶽皆慮蝗螟故也

木冰

漢天福十三年十一月二日日天大昏霧木有冰至

十一月霜露著草皆為冰

時魏府杜重威叛命車駕
親征駐蹕城下其月二十

七日杜重威乞降至來年
正月二十七日高祖崩

周廣順三年十一月一日雨水冰

其月命宰臣馮道
奉迎太廟神主赴

東京新廟是日上親迎神主于西
郊至來年正月十七日太祖崩

雜災變

後唐同光三年九月丁未夜徧天陰雲北方有聲如雷雉皆雊俗呼曰天狗墜

天成二年二月乙酉日中有黑氣狀如雞卵其年十

二月壬辰酉時西南方有赤氣如火焰約二十里占者

云不出二年其下當有大兵

應順元年四月九日白虹貫日是日愍帝遇弒于衛州

清泰元年十月辛未巳時有雉金色自南飛入中書

止于政事堂屋脊上吏驅之不去良久北飛於民家

得之

其月僕射平章事李愚罷相守本官吏部尚書劉昫罷相守右僕射

三年三月有蛇鼠鬪於獅子門外鼠殺蛇其年晉高祖起義兵

於太原

晉天福二年正月二日夜初北方有赤氣西戌亥地

東北至丑地南北濶三丈狀如火光赤氣內見紫微

宮及北斗諸星至三點後內有白氣數條次行至西

夜半子時方散

開運元年正月乙未大霧中有紅白相偶占者云海濤所與其

將有戰時車駕在澶州與契丹相守其年七月一日改元開運是夜大

雷雨明德門內井有石槽槽有龍首其夕漂流十數步而龍首斷焉占者云石國姓也而龍首斷為大不吉之象晉祚果終于開運

開運二年正月東京封邱門外石壕內有文若大樹

花葉芬敷之狀相連數十株宛若圖畫唐景福中盧彥威鎮滄州

壕水如此時有高泥謂州人曰時將不安宜速避之至光化元年幽州果為劉仁恭所陷

漢乾祐元年三月中書厨釜鳴者七是月中書侍郎平章事李濤罷

免勒歸私第

三年正月有狐出明德門樓獲之比常狐毛長腹剩

二尺其年閏五月癸巳京師西北風暴雨至戴婁門

外壤營舍瓦木吹鄭門門扉起十餘步落拔大樹數

十震死者六七人平地水深尺餘其年十一月帝與左右郭永明等同

謀大臣王章楊邵史宏肇等至其月二十一日隱帝遇害

周廣順三年六月河南河北諸州旬日無鳥既而聚

澤潞之間山谷中集於林木壓折樹枝是年人疾疫者甚眾至顯

德元年河東劉崇為周師所敗伏屍流血故先萌其兆

顯德元年三月潞州高平有鵲巢於縣郭之南平地

巢中七八雛

六年二月癸巳有一人弊衣冠闌入中書升政事堂

五仁... 卷二

吏叱之曰爾何人據床而坐何人遣爾至此其人曰
宋州官家教我來此吏具其事白于宰臣宰臣密令
遣之尋不知所適其年六月十九日世宗崩
明年正月四日大宋受命其年六
月辛卯辰巳間京師天地晦冥澍雨驟降雨中有腥

氣是日世宗崩

襍錄

後唐同光二年九月司天奏請禁天下造私歷者從
之

周廣順三月八月敕自今後元象器物天文圖書識

記七曜歷太乙雷公式法等私家不得有及衷私傳
習有者並須焚毀司天臺翰林院本司職員不得以
前代所禁文書出外借人傳寫其諸將曰五行占筮
之書不在禁限每年歷日須候本司再算造奏定方
得雕印本司不得衷私示外如違准律科罪

顯德三年八月勅應諸色陰陽占卜書宜令司天臺
翰林院集官詳定其書如是曾經前代聖賢行用合
正道者只可存留其有淺近妖妄不依典據者並可
毀廢

五代會要 卷二 十一

功臣

梁開平三年十月詔曰太保韓建每月旦十五日入

閣稱賀卽令赴朝參餘時勿用入見

示優禮也

乾化元年正月勅許昌雄鎮太保韓建朕用之布政
民耕盜止久居其位庶可勝殘矣宐令中書門下不
計年月勿議替移

後唐同光三年八月內詔冊吳越王錢鏐其印宜以
吳越之印爲文仍令所司以金鑄造示異禮也

天成四年六月勅故平盧軍節度使霍彥威勛名顯
著宅兆已營爰遵定諡之規俾議送終之制宜以三
公禮葬

長興二年四月詔曰周崇呂望有尙父之榮漢重蕭
何有不名之禮錢鏐冠公侯之位疏吳越之封宜示
異恩俾當緝禮其錢鏐宜賜不名其年六月以唐文
正公魏徵八代孫詔爲涇州安定縣主簿

晉天福二年七月以唐忠武公李晟五代孫臧爲將
仕郎耀州司戶參軍

封建

梁開平元年四月封湖南節度使馬殷爲楚王五月
封河南尹張全義爲魏王兩浙節度使錢鏐爲吳越
王皇兄全昱爲廣王依舊守大師致仕皇從子友謙
爲冀王友諒爲衡王友能爲惠王友誨爲邵王二年
正月追封皇從子友寧爲安王友倫爲密王五月封
滄州節度使劉守文爲大彭郡王幽州節度使劉守
光爲河間郡王許州節度使馮行襲爲長樂郡王
三年二月追封靈武節度使韓遜爲潁川郡王四月
進封易定節度使王處直爲北平王福建節度使王

審知爲閩王唐州節度使劉隱爲南平王同州節度
使劉知俊爲大彭郡王山南東道節度使楊師 爲
弘農郡王追封故河中節度使王重榮爲晉王七月
進封幽州節度使劉守光爲燕王

四年四月進封廣州節度使劉隱爲南海王追封皇
兄存爲朗王六月追封皇伯義方爲潁王皇叔義譚
爲韶王

乾化元年五月追封延州節度使高萬興爲渤海郡
王

二年二月追封故魏博節度使羅弘敬爲趙王

後唐同光元年十一月進封延州節度使高萬興爲北平王

二年二月改封河南尹判六軍諸衛事張全義爲齊王三月進封荆南節度使高季興爲南平王四月封夏州節度使李仁福爲朔方王

天成二年五月封福建節度使王延鈞爲瑯琊王六月封湖南節度使馬殷爲楚國王

三年七月追封僞蜀主王衍爲順王以諸侯禮塋追封福建節度使王延鈞爲閩王

長興四年二月封東西兩川節度使孟知祥爲蜀王五月封皇從子從溫爲堯王從章爲漢王從敏爲涇王追封故夏州節度使李仁福爲虢王七月進封兩浙節度使錢元瓘爲吳王

廣順元年五月封荆南節度使高從誨爲南平王湖南節度使馬希範爲楚王追封兩浙節度使錢元瓘爲吳王

清泰二年六月封幽州節度使趙德均爲北平王青

州節度使房知温爲東平王七月封鳳翔節度使李
從曦爲西平王

晉天福元年十二月追封故東丹王李贊華爲燕王
二年五月封魏北節度使范延光爲臨清王青州節
度使王建立爲臨淄王封鳳翔節度使李從曦爲岐
王十一月進封兩浙節度使錢元瓘爲吳王封李嗣
昭爲薛王

三年四月進封鳳翔節度使李從曦爲秦王青州節
度使王建立爲東平王八月進封鄆州節度使范延
光爲高平郡王

五年三月進封昭義節度使王建立爲韓王九月進
封青州節度使楊光遠爲東平王十一月進封福建
節度使王延義爲閩國王

六年正月追封皇弟敬爲通王十二月封兩浙節度
使錢宏俶爲吳越國王

七年正月追封皇弟德爲福王殷爲通王

八年三月進封淄青節度使楊光遠爲壽王

漢天福十二年七月封湖南節度使馬希廣爲楚王

十月封魏博節度使高行周爲鄴王七月追封故韓
王王建立爲秦王

二年十一月封兩浙節度使錢宏叔母吳氏爲順德

夫人

封贈之制婦人有國邑之號死有諡近梁朝賜張全義妻儲氏爲賢懿夫人又改莊惠蓋當時

特恩非舊典也

三年十二月追封故順德太夫人吳氏爲恭懿夫人

其年八月封兩浙節度使錢宏叔爲嗣吳越國王

周廣順元年正月進封鄆州節度使高行周爲齊王

封山南東道節度使安審琦爲南陽王淄青節度使

符彥卿爲淮陽王夏州節度使李彝殷爲隴西郡王

荆南節度使高保融爲渤海郡王靈武節度使馮暉

爲陳留郡王追封故樞密使楊邠爲宏農郡王故三

司使王璋爲瑯琊郡王故侍衛親軍馬步軍都指揮

使史宏肇爲鄭王四月追封故許州節度使劉信爲

蔡王

二年六月追封故靈武節度使馮暉爲衛王八月追

封故齊王高行周爲秦王

顯德元年正月追封山南東道節度使南陽王安審

琦爲陳王淮南王符彥卿爲衛王渤海郡王高保融
爲南平王隴西郡王李彝殷爲西平王四月追封故
中書令馮道爲瀛王七月進封衛王符彥卿爲魏王
六年二月追封故陳王安審琦爲齊王

雜錄

後唐天成元年七月中書門下奏湖南節度使馬殷
封楚國王禮文不載國王之制請約三公之儀用行
冊從之

封嶽瀆

梁開平元年九月封鎮東軍神祠爲崇福侯

從兩浙奏也

其年十一月封福州閩縣玷琦里右廟爲昭福祠

從

建奏請也

後唐長興二年七月封故閩越王无諧爲富義王

從

建節度使王延鈞奏也

四年七月封泰山三郎爲威雄大將軍

時上不豫劉遂清引泰山

僧進風藥用之小康其僧請封泰山三郎遂從之時以爲妖惑之甚

清泰元年六月封吳岳成德公靈應王

初廢帝在鳳翔將謀入篡

大位潛令人禱吳嶽冀獲資助及卽尊位乃詔有司別議尊崇中書門下奏唐天寶十載正月封吳山爲

成德公與沂山會稽醫巫門同封至至德二年十二月改吳山為嶽祀享官屬一同五岳今國家以禱靈應宜示殊禮臣等商量請為靈應王從之

其年十一月勅杭州護國廟改封崇德王城隍神改封保義順寧王銅官廟改封福

善通靈王湖州城隍神封阜俗安城王越州城隍神

封興德保閩王

從兩浙節度使錢元瓘奏也

晉天福二年五月勅青草湖廟安流侯改封廣利公

洞庭湖廟改封靈濟公磊石廟昭靈侯改封廣利威

顯公黃陵二妃懿節廟改封烈廟

從湖南節度使馬希範奏也

其年八月勅唐衛國公李靖宜封靈顯王

按史傳鄭州東陵田

後魏孝文帝賜僕射李仲顯俗因謂僕射陵仍立祠廟年祀綿遠時俗誤傳為李靖祠明宗征朱守殷經過制贈太保遣左散騎常侍蕭希甫就行冊命仍立石記于廟因為唐衛公李靖之祠暨今封王蓋傳習之誤也

七年十月封襄州利市廟為顯正王

漢乾祐三年八月封蒙州城隍神為靈感王

從湖南節度使

馬希範奏也

五代會要卷十一終

五代會要卷十二

宋

王

溥

撰

寺

後唐天成元年十一月勅應今日已前修蓋得寺院
 無令毀廢自此後不得輒有建造如有願在僧門亦
 宜准佛法格例官壇受戒不得衷私剃度
 三年六月七日勅應天下大寺及勅賜名額院宇兼
 有功德堂殿樓閣已成就者各勒住持其餘小小占
 射或施捨及置買目下屋宇雖多未有佛像者並須

量事估價一時任公私收買其住持僧便委功德使
及隨處長吏均配於大寺安止如院在僻靜之處舍
宇無多不堪人承買者便仰毀拆其材木給付本僧
田地任人請射仍限勅到後十日內並須通勘騰併
了絕如敢遷延及有故違其所犯僧徒二年尼杖七
十並勒還俗若有形勢借庇當移不移誑惑官中更
求院額既達聽聞所知之人不係官位高低並行朝
典如要增修福利則任於合留寺院內興功

晉天福四年十二月敕今後諸道州府城郭村坊不
得創造寺宇所有自前蓋者卽依舊住持

開運二年七月左諫議大夫季元龜奏天下寺宇房
屋近日多聞元住僧轉與相典貼伏乞明行止絕從
之

周顯德二年五月六日勅條流僧尼畫一如後一諸
道州府縣鎮村坊應有敕額者一切仍舊其無敕額
者並仰停廢所有功德神像及僧尼與限一月騰併
於逐處州軍縣鎮合留寺院內安置所有殿堂屋宇
仰封鎮收管所有資財衣鉢斛斗孳畜什物並仰分

付本主一天下諸縣城郭內若無敕額寺院只於停廢寺院內選功德屋宇最多者或寺或院僧尼各留一所若無尼處只留僧寺院一所其在軍鎮及偏鎮坊郭戶及二百戶以上者亦依諸縣例指揮所違邊遠郡無敕額寺院處於停廢寺院內僧尼各留兩所一兩京諸道州府除見留寺院外今後不限城郭村坊山林勝境古跡之地並不得創造寺院蘭若如有僧尼俗士輒違敕命者其主首及同勾當人並徒三年仍配役其僧尼勒還族本州府錄事參軍本判官

本縣令佐並除名配流地分廂鎮職員所由當並嚴斷長吏奏請進止一王公戚里諸道節刺已上今後不得奏請翹造寺院及請開置戒壇如違仰御史臺彈奏

四年九月賜京城內新修四寺額以天清顯靜顯寧聖壽爲名

燃燈

梁開平三年正月敕兵革方偃久廢燃燈屬在上春務達陽氣宜於正月上元前後三晝夜開坊市門一

任公私燃燈祈福

周廣順三年七月京城民晁諸殷等爲永壽節請各於門首齋僧燃燈三晝夜從之

雜錄

後唐天成元年十月十一日敕上國兩街僧道自前賜師號不數人而已至於賜紫並係特恩近日諸道州府因應聖節表薦僧道頗多宜令中書門下此後凡有諸處不係應聖節及橫薦僧道不得等閒申發章表請行命服師號

二年六月七日敕應條流三京諸道州府縣鎮寺院僧尼事一訪聞近日僧尼等或因援請託以便參尋旣往來以爲常致奸訛之有倖自此後如有官中齋會行香顯有告援及大段齋供請命卽行依時赴會除此外不計齋前齋後僧尼不得輒有相過如敢故違仰逐處坊界所由及巡司節級晝時擒捉並准姦非例處斷其所犯人衣物資財便充捉事人優賞如有人詰告不虛准此酬賞一此後如有修補寺宇功德要開講求化須至斷屠之月卽得於大寺院開啟

仍許每寺只開一坐兼不得僧於尼寺內開講尼亦不得將功德事請僧於諸寺開講如敢故違法師兼功德主僧徒三年尼並逐出城其坊界及諸營士女不因三場齋月開講亦不得過僧舍如公然通同許捉獲所犯人並加極法今後僧不因道場及齋會不得公然於俗舍安下住止如違准上

科斷一訪

聞僧尼寺院多有故違條法衷私度人此後有志願出家准舊例經官陳狀比試所念經文則容剃削仍不因官壇不得私受戒法如違所犯僧及本師等各

徒二年配於重處色役如是尼女及年老放杖只勒還俗若有童子出家亦須顯有分據一訪聞近日有矯僞之徒依憑佛教誑誘人情或傷割形骸或負擔鉗索或書經於都肆或賣藥於街衢悉是乖訛須行斷絕此後如有此色之人並委所在街坊巡司糾察准上決配一此後應是僧尼不計高低於街衢逢見呵殿官寮並須迴避如有故意違犯者便可收送法司若在身有章服師號者便委長吏舉奏當行剝奪如無章服者仰所在攬逐出城若有房院便許別人

請射一州城之內村落之中或有多慕邪宗妄稱聖
教或僧尼不辨或男女混居合黨連羣夜聚明散託
宣傳於法會潛縱恣於淫風若不祛除實爲弊惡此
後委所在州府縣鎮及地界所由巡司節級嚴加懲
刺有此色人僣仰收捉勘尋關連徒黨並決重杖處
死右宜徧降敕三京諸道州府長吏分明曉示逐處
管界各令遵守

清泰二年三月兩街功德使奏每年誕聖節諸道州
府奏薦僧尼紫衣師號今欲量立條式講論科試講
經表白各三科文章應制十三科持念一科禪科聲
讚科並於本技能中條貫從之

晉天福二年十二月二日敕節文祠部奏請不置官
壇剃度但於皇帝降聖之辰卽於本住處州府陳狀
便比試學業勘詳事行不虛則容剃度及取本鄉里
五人已上耆宿保明文狀具言已前實是良善兼須
結如爲僧之後別行惡事卽罪甘連坐如是外來
百姓不得輒有容許候剃訖仍具鄉貫姓號申祠部
請告牒者當司欲依前勅再舉條流如此後遇皇帝

降誕之辰卽於逐州府投狀剃落仍驗所習經業不
虛卽具出家因依本居鄉里俗姓法名年幾申省請
給告牒始永爲公據若有不遵條理衷私剃度者便
委逐州府本判官追收勘責事由不虛其新剃度之
人並請重行決斷發遣歸本鄉里收管色役其元招
引師主及保人等先具勘責違犯條流愆罪亦請痛
行決斷常住所在仍具流號寺院因由申省如是州
府不遵勅命衷私剃度不申請祠部告牒其原行官
吏請行朝典奉勅宜依

周廣順二年四月勅永壽節每年諸道節度防禦團
練使刺史奏薦僧尼道士紫衣師號今後見任帶使
相共奏二人見任防禦團練刺史只許奏一人在朝
文武臣寮及前任官今後更不得奏薦

顯德二年五月六日敕條流僧尼畫一如後一今後
僧尼不得私剃頭應有人志願出家者並許父母祖
父母處分已孤者取同居伯叔兄處分候聽許得出
家其師主須得本人家長聽許文字得容受男十五
已上念得經文一百紙或讀得經文三百紙者方得

經本州陳狀乞剃頭委錄事參軍本判官試驗經文
合敕條者只仰聞奏其未剃頭間留髮髻如有私剃
頭者卻勒還俗其本師主徒三年勒還俗役三年其
本寺院三綱知事僧尼杖八十並勒還俗一僧尼不
得私受戒只於兩京大名府京兆府青州府戒壇候
受戒時兩京委祠部差官引試前項經業其大名府
等三處戒壇只委本判官錄事參軍引試合敕條者
分析聞奏如有私受戒者其本人本師主臨壇三綱
知事僧並同私剃頭例科罪如引試經業不精輒

與剃頭受戒者本試官當行朝典一應合剃頭受戒
人等仰逐處于天清節一月前具姓名鄉貫寺院年
幾及所習經業申奏候敕下委祠部給付憑由方得
剃頭受戒不得非時施行起今後應有僧尼剃頭受
戒無祠部憑由者所由並還俗一應男子有父母祖
父母在別無兒侍養不聽出家如違其本師主重行
科斷一應曾有犯遭官司刑責之人及棄背祖父母
父母逃亡如奴婢姦人細作惡逆徒黨山林亡命未
獲賊徒負罪潛竄人等並不得出家剃頭如有寺院

輒容受者其本人及師主三綱知事僧尼隣房同住
僧仰收捉禁勘申奏取裁其地方巡司官吏不能覺
察者仰概申奏一自前多有逃避軍人投寺院出家
在所僧徒不畏官方便與剗削起今後有向曾在軍
門面帶瑕痕逐處寺院輒敢容受者其本人及師主
三綱知事隣房同住僧等仰密切收捉禁勘申奏地
方官所由不能覺察重行科斷一應有僧尼衷私剗
置院舍私與人剃頭受戒及容賊盜惡逆徒黨姦細
背軍之人輒披剗者其僧俗中有能告官及地方分
所由節級自收捉到者以本犯僧尼衣鉢資財充給
優賞一應有僧尼俗士自前多有捨身燒臂煉指釘
截手足帶鈴燃燈諸般毀壞肢體戲弄符篆左道妖
惑之類今後一切止絕如此色人仰所在嚴斷遣配
邊遠仍勒歸俗其所犯罪重者准格律處分所有居
停寺院知事僧尼地方廂鎮職員所由公然容縱者
重行科斷一應有懷才抱器或武或文寄跡空門莫
遂展志其中有願出仕宦者仰逐處長吏發遣赴關
少壯驍勇之人願在軍門者亦仰申奏必當量材錄

用若僧尼中有情願歸俗者一切聽許所在不得攪

擾

梁開平元年五月六日敕廢雍州太清宮改西都太

微宮亳州太清宮皆為觀諸道州紫極宮並為老君

廟

後唐同光元年十月西都太微宮亳州太清宮諸州

紫極皆復本名

天成四年十二月敕 崇聖祖脩飾道州既復其名

固難無額宜令所司依舊造上清宮牌額兼京城內

金真觀改為崇道宮亦准上給換牌額以上清宮久

無牌額故也

雜錄

後唐同光元年十二月亳州太清宮奏聖祖元元皇

帝殿枯檜再生枝葉畫圖以進 按瀨鄉記唐高祖神

檜重華至安祿山僭號萎痺元宗自蜀歸

京枝葉復盛至是再生一枝長二尺餘

天成三年正月中書門下奏准假寧令元元皇帝降

聖節休假三日據續會要准會昌元年二月敕休假

一日伏請准近敕從之

清泰二年三月兩街功德使奏每年聖誕節諸道州府奏薦道士紫衣師號今欲量立條式經法科試義十道講論科試經論文章應制試詩表白科試聲喉聲讚試步虛三啟焚修科試齋醮從之

晉天福四年三月遣中書使趙處玘以板詔徵少華山隱士鄭雲叟玉笥山道士羅隱之爲拾遺四月不至以雲叟爲右諫議大夫隱之賜號希夷先生雲叟稱疾不起賜號逍遙先生仍給致仕官俸祿

金吾衛

後唐天成三年六月勅金吾每奏左右廂內並平安有類藩方宜改云軍國內外並平安

屯衛

周廣順二年十二月御史臺奏唐景雲二年改左右屯衛爲威衛又唐高宗名治改治書侍御史爲御史中丞諸州治中分爲司馬蓋臣子避君父名也請諸衛衆書舊是屯衛者復舊名從之

京城諸軍

梁開平元年四月改左右長直爲左右龍虎軍左右
內衛爲左右羽林軍左右堅銳夾馬突將爲左右神
武軍左右親隨軍將馬軍爲左右龍驤軍其年九月
置左右天興左右廣勝軍仍以親王爲軍使

二年十月置左右神捷軍十二月改左右天武爲左
右龍虎軍左右龍虎爲左右天武軍左右天威爲左
右羽林軍左右羽林爲左右天威軍左右英武爲左
右神武軍左右神武爲左右英武軍

前朝置龍虎六
軍謂之衛士至

是以天武天威武英等六
軍易其軍號而任勳舊焉

後唐長興三年三月敕衛軍神威雄威及魏府廣捷
已下指揮宜改爲左右羽林置四十指揮每十指揮
立爲一軍每一軍置都指揮使一人兼分爲左右廂
應順元年三月改左右羽林四十指揮爲嚴衛左右
軍龍武神武四十指揮爲捧聖左右軍
清泰元年六月改捧聖馬軍爲彰聖左右軍嚴衛步
軍爲寧衛左右軍

晉天福六年七月改拱宸威和內直軍並爲興順至
八月改奉德兩軍爲護聖左右軍

周廣順元年四月改侍衛馬軍曰龍捷左右軍步軍

曰虎捷左右軍御撰其名

顯德元年十月上謂侍臣曰侍衛兵士累朝已來老少相半強懦不分蓋徇人情不能選練今春高平與劉崇及蕃軍相遇臨敵有指使不前者苟非朕親當堅陣幾至喪敗况百戶農米能贍一軍士且兵在精不在眾宜令一一點選精銳者升在上軍怯懦者任從安便庶期可用又不虛費

先是上按于高平觀其退縮慨然有懲革之意

又以驍勇之士多為外諸侯所占于是召募天下豪傑不以草澤為阻進于闕下躬親試閱選武藝超絕

及有身首者分署為殿前諸班因有散員散指揮使內殿前直散都頭鐵騎控鶴之號

二年十二月改東西小校為東西班承旨其月以新收復秦鳳州所擒獲川軍署為懷恩軍
四年四月以先降到江南兵士分為六軍共三十指揮賜號為懷德軍

軍雜錄

後唐同光二年二月勅隨駕收復汴州并扈從到洛京南郊立仗都將官員自檢校司空已下宜並賜協謀定亂匡國功臣自檢校僕射尚書常侍至大夫中

丞宜並賜忠勇

拱衛功臣其初帶憲銜並賜忠

烈功臣已有功臣名者不在此限其節級長行軍將

並賜扈蹕功臣

唐元宗平內難賜衛士葛福順等為唐元功臣不過十數人德宗駐蹕奉

天賜從車駕立功將校為奉天定難功臣及僖宗昭宗頻年播遷功臣差多至是徧及戎卒非賞典也

其年九月勅如聞藩方入奏之人多於京內私買衣

甲宜令總管司密加覺察

晉天福二年二月敕京及諸道馬步諸軍若長行

違犯便委副將據罪處理如副將十將違犯即委本

指揮使科斷指揮有罪若不出軍即委都指揮使其

錄申奏若行營在外即委行營統領依軍法施行其

諸道軍都在外處者即委本處節度防禦團練使刺

史據罪科斷其年十月敕禁諸道不得擅造器甲

開運元年三月命諸道府州縣點集鄉兵率以稅戶

七家共出一卒兵杖器械共力營之至五月敕諸道

新點鄉兵宜以武定為名至三年正月改武定為天

威軍尋命放散其年十月敕作坊及諸道造作衣甲

器械今後並不得用金銀裝飾

馬

梁開平四年十月頒奪馬令冒禁者罪之

先是梁師攻戰得敵

人之馬必納官故出令命獲者有之

後唐同光三年六月下河南河北諸州和市戰馬官

吏除一匹外匿者坐罪

時將討蜀故也

長興元年七月分飛龍院為左右以小馬坊為右飛

龍院

四年十月敕沿邊藩鎮或有蕃部賣馬可擇其良壯

者給券具數以聞

先是上問見管馬數樞密使范延光奏天下常支草粟者近五萬匹

見今西北諸蕃賣馬者往來如市其郵傳之費市估之直日四五十貫以臣計之國力十耗其七馬無所

使財賦漸銷朝廷甚非所利上善之乃降是勅

清泰三年十月敕諸道州府縣鎮賓佐至錄事參軍

都押衙教練使已上各留馬一匹乘騎及鄉村士庶

有馬者無問形勢馬不以牝牡盡皆抄借但勝衣甲

並仰印記差人管押送納其小弱病患者印退字本

道收管節度防禦團練等使刺史除自己馬外不得

因便影占管軍都將除出軍及隨駕外見逐處屯駐

者都指揮使舊有馬許留五匹今指揮使兩匹都頭

一匹其餘凡五匹取兩疋十匹取五匹更多有者並

依此例抽取在京文武百官主軍將校內諸司使已
下隨駕職員舊有馬者任令隨意進納不得影占人
私馬各下諸道准此

晉天福九年正月發使於諸道州府括取公私之馬

時契丹入寇上駐軍澶
州以禦之故降是命

漢天福十二年九月詔天下州府和買戰馬

諡

德清梁贈尚書令廣正全昱

文穆故天下兵馬都元帥吳越王錢元瓘

初所司諡
曰莊穆勳

改諡曰

文穆

文昭故天策上將軍湖南節度使守尚書令贈太師

馬希範文懿贈尚書令瀛王馮道

文忠太子太保盧質

漢乾祐元年九月吏部尚書兵
部員外郎盧瓊上章議諡故下

太常議諡
曰文忠

武穆故天策上將軍湖南節度使馬殷

武懿贈尚書令秦王高行周

武安贈太師康福

忠敬故秦王李茂正贈太傅馮行龔

忠肅贈太師王處存贈太師張全義

忠懿故福建節度使閩王王審知贈太師安元信

忠武贈太師晉國公霍彥威故成德軍節度使馬全節

忠正贈中書令鄭仁誨

忠惠贈中書令劉訶

恭靖贈尚書左僕射崔協

恭惠贈中書令李從敏

正懿贈尚書令羅紹威

正憲贈左武衛上將軍張承業

正惠贈太子少傅朱漢賓

太常博士林勗議曰漢賓散已俸代逋欠俸國家贖

富庶所莅之地綽有政聲知進退存亡之理得善始令終之道謹按謚法中道不撓保節揚名曰正愛民好學寬裕慈仁曰惠請謚曰正惠從之

成穆贈侍中安元信

雜錄

漢乾祐二年十二月敕故荆南節度使南平王高從

誨宜令太常定謚

故事臣下請謚故吏陳行狀上考功覆奏下乃議謚今降勅新例也

當直

梁開平四年二月勅其逐日當中書舍人及吏部兵部司敕知印郎官少府監及篆印文兼書寫告身人吏等並宜輪次于中書側近止宿

休假

後唐天成四年五月四日度支奏准勅中書門下奏朝臣時有乞假覲省者欲量賜茶藥奉勅宜依者切緣諸班官覲省司不見品秩高低兼未則例難議施行各令據官品等第指揮文班左右常侍諫議給事舍人諸行尙書太子賓客諸寺太卿國子監祭酒詹

事左右丞諸行侍郎宜各賜蜀茶三斤起居拾遺補闕侍御史殿中監察御史左右庶子諸寺少卿國子監司業河南少尹左右諭德諸行郎中員外郎太常博士宜各賜蜀茶二斤蠟面茶二斤草豆穀百枝肉豆穀五十枝青木香一斤半國子博士五經博士兩縣令著作郎太常宗正殿中丞諸局奉御大理正太子中允洗馬左右贊善太子中舍司天五官正宜各賜蜀茶二斤蠟面茶一斤草豆穀五十枝肉豆穀五十枝青木香一斤武班左右金吾上將軍左右諸衛

上將軍宜各賜蜀茶三斤蠟面茶二斤草豆穀一百
枝肉豆穀一百枝青木香二斤左右諸衛大將軍左
右諸衛將軍宜各賜蜀茶二斤蠟面茶二斤草豆穀
一百枝肉豆穀五十枝青木香一斤半左右率府副
率宜各賜蜀茶二斤蠟面茶一斤草豆穀五十枝肉
豆穀五十枝青木香一斤奉敕今後或有臣僚請假
覲省其所賜茶藥候辭朝之日於閣門宣賜至晉天
福二年九月度支奏朝臣請假覲省出入皆有支賜
茶藥今緣諸庫無見在伏乞權罷從之至五年三月

敕朝臣請假覲省依天成四年敕支賜茶藥


晉天福二年十一月中書門下奏按六典尙書吏部
凡職事官應覲省及稍病不得過程謂身有疾病滿
百日若所親疾病滿二百日及當時解官申省以聞
其應侍人材用灼然要藉驅使者得帶官侍養又准
雜令諸外官授給裝束假去所授官一千里內者四
十日二千里內者五十日三千里內者六十日四千
里內者七十日過四千里八十日並除程其假內欲
赴任者聽之若有事須早還者不用此令若京官身

先在外者裝束假減外官之半勅准令典處分

醫術

後唐清泰三年三月翰林學士和凝奏天下諸屯駐
兵士望令太醫署合傷寒時氣瘡痢等藥量事給付
本軍主掌以給患病士卒之家百姓亦准醫疾合和
合藥物拯救貧民兼請依本朝故事諸道署置藥博
士令考尋醫方和合藥物以濟部人其禦製廣濟廣
利等方書亦請翰林醫官重校頒行天下勅所奏醫
博士諸道合有軍醫許及諸道補署不在奏聞餘依

所奏



五代會要卷十二終

五代會要

卷十二

三

言止

